

梁山縣志

地 280.255  
35  
:1-10





嘉慶丁卯纂脩

三  
梁  
山  
縣  
志

同治丁卯增脩



梁山縣志序



志之作也所從來久矣元和郡縣志元豐郡國志及歷代一統志大都合寰宇言之至一郡一縣之志則視乎有司之搜輯與否未能所在皆有也梁山本漢胸

梁山縣志

序

臆縣地後魏分置為勃宋改為軍元升為州明省州入縣山海經稱高粱之山其上多堊其下多砥礪其木多桃枝鉤端則物產也常璩華陽國志稱墊江以西土地平一畝精敏輕疾則



俗尚也然而特為一書未之前  
聞又況十數年來中更兵燹  
梁山界夔渝間賊蹤所出沒官  
吏墜鄉閭子集不多溝肄武事  
今即削平既久而能於創殘煨  
煨之餘博訪通人考其分野吟

域徵其文献或有所未遑欵符  
君子曰為余故人子治于梁有  
年矣詔平賦均赫々有政聲  
公庭多暇却人土與搢紳先生  
之徒羣彥嚮瞻臻凡夫故老之所  
傳者舊々所誌桿官家乘々所



載靡不摛摭而採擇之積日累  
勞彙為此志冠

聖謨

於篇首又起星野迄雜識綜  
計十有八卷類者略信者詳  
綱舉目張井然大備書成郵  
寄于余而請為序余竊觀天

梁山縣志

序

三

下之能事有前人所絕不敢為  
而決然為之者有他人所不  
敢為而寬然為之者惟其才  
博智贍心定力踴始不憚其難  
終不辭其瘁故其為事足以  
軼倫而超羣其為書足以信今



而行後符君此志非其尤大彰  
明較著者哉且余憶曩時從事  
干戈鋒鏑中道出于梁攬其  
山川風土起焉神傷此志一出  
而知其地之休養生息其官與  
民之庶樂和親宛若目覩用以昭

梁山縣志

序

四

國家昇平之象函邊徼熙皞之  
風慶幸何如耶於其諱也故  
為深嘉而亟叙之

嘉慶十三年十二月立春後  
日川藩使者純全儀識





梁山縣志序

能吏典循吏有異乎曰以  
異能吏主擊蠹之詞刺火  
烈難犯使民知畏而三習  
禮讓之風興廉恥之節授  
游馴擾百姓日遷善而不

梁山縣志

序

自知此必失於其職而又  
不肯以彼吏自安以漸幾  
乎去良弓司之治求之目  
前蓋百不得一二非才之  
難正歛其才之難也至於  
符君子田之輯梁山邑志



而竊有幸焉梁山古胸臆  
地變渝室漢往來必經  
又山高而林邃往者奸民  
嘯聚視為萑苻苗屢經  
芟薙其俗未革符君至  
立什伍之法有不靖者

里鄰必以告隣邑奸悍  
闖入者械繫之今既下  
民不為盜寇不入境矣君  
曰未也民未知恥難與持  
公乃禮耆老訪俊彥讀  
法習射擯儀薄共不待



苗於是農安於田士免  
於校向所謂推埋不逞  
之徒無所害是邑大治  
君攀劍去馬倜儻負奇  
氣余初識君以能吏許  
之及慮其治行乃彬

有儒者風今秋以所輯  
邑志見寄蓋青君能  
於為書鞅掌間與邑士  
大夫以數十年之隆緒披  
微以初為完書而於  
風名節之大編之



尤三致意嗚呼文章者  
政教之結餘也自操觚之  
士厭棄刀筆吏之視其  
官如傳舍猥瑣齷齪若甘  
心焉其稍異者例又恃其  
擊斲相刻之術以為吾道

存是之先薄待其身而  
因薄待其民迨至其術  
泯其道窮蕭然氣衰不  
可滋振乃始託於二文  
人以自解免此印集高  
無之學士廣釋海之業



編其所撮拾皆芻狗耳君  
之為此志也朴而不俚簡而  
能核無意於文而自合辭  
例蓋先有以之乎其出者  
率因別未茂膏盛別光  
熾就夫善用其才而力希

乎古良有司之治孰能語  
乎此哉試為君誦甘棠  
之詩曰勿剪勿伐召伯所  
茨又為君誦大車之詩曰  
豈不爾思畏子不敢吁  
治化升降之機視其人



予自立何如君聞余言必  
有莫逆而後者於其志  
成樂為序三詒君乎且  
冀有以蓋余也時  
嘉慶十三年歲次戊辰  
秋八月

梁山縣志

序

六

浩授中憲大夫四川分巡川  
東兵備道前戶部山西  
司員外郎廬江胡稷撰





新修梁山縣志序

蜀自陳壽者舊傳李膺益  
州記常璩華陽國志張唐  
英蜀禱祝而下代有編輯  
流傳至今其建置沿革典  
升降分合難隨時代為變

梁山縣志

序

遷而山川之險易物產之  
饒乏學校之盛衰閭閻之  
豐瘠風俗人物之淳澆臧  
否戶口角調之增減盈絀  
倉儲亭障之出納圮修若  
列眉指掌志誠未可缺矣



惟省志辭例稍殊州郡而  
州郡又酌減於邑志一則  
職要一則職詳耳梁山名  
邑也東北有萬開新寧之  
輻輳西南有忠墊鄆都之  
聯屬走荆襄通雲貴治之

東有白兔蟠龍之險治之  
西有沙河平井之坦向屬  
夔府今隸忠州洵為川東  
之咽喉焉歲癸亥余自彭  
水調任茲土徧訪邑志不  
可得說者曰邑經前明兵



燹頻仍烟燎之餘簡冊盡  
成灰燼何有於志乘余為  
喟然即思興修時因學  
宮傾圮亟宜重新首捐俸  
以為倡經筵區畫夙夜  
不遑工及半而余奉檄署

開邑篆籀理軍需玉丁郊  
春仲回梁山修置經費竭  
吉典工文廟乃迄於成  
諸紳士進而言曰廟貌重  
先使君之力今竊者請修  
志其不宥緩矣余因念我



國家百五十年來久道化成  
教教四訖紀載遍於寰區  
梁邑之志胡以無人建議  
是余之責歟夫自古及今  
不改者星野山川城池之類  
他如戶賦之日蕃滋也風

氣之日溥樸也文治之日  
光華也借付之不見不聞  
勸懲無由昭淑慝無由別  
習俗無由厚而人心無由  
維也及今不舉將素聞之  
考舊稽之案續勢且日遠



日難此柳州之論史致嘆  
於今人讓後人而劉知幾  
有汗青白頭之請乎事非  
創以奚以為田稔知我友  
霞飛矚君監治塘部君留  
心此邦之文獻蓋亦有年

余為延聘義事公餘則取  
橐成卷軸者次第損益之  
閱胃而告成授之剞劂  
毋思天下事其合也以時  
其感也以機梁公偏隅以  
余承乏之舉百餘載所未成



書者一旦藉手以竣事邑  
仲士當亦樂觀厥成乎鑿  
荒難而造澤易後之任莫  
輯者此編未必無小補而  
非敢希蹤於華陽國志蜀  
檮杌也皆

梁山縣志

序

六

嘉慶十三年孟夏月知州銜  
梁山縣知縣寧陵符永培  
撰并書





增修梁山縣志序

國有史所以重金鑑之資也邑有志所以備輶軒之採也然創於前弗因於後奚以昭明備垂久遠乎蓋星野氣候山川之歷久不變者因之固貴咸宜也而人

增修縣志序

物風去政教之歷久遠變者因之未可遏泥也乙丑春予捧檄蒞南浦閱邑志為符君子田創修於嘉慶丁卯板朽蛀生計九十餘片拋補刻而增修之竟以賊氛甫靖政務殷繁不果越



二載次丁卯屈指創修時已六十年矣使不乘此以增修也而殘缺也而廢墜者將焉歸乃甫經倡議聞者難之予不禁慨然曰天下事敗於因循成於奮迅苟因循自誤易者亦難矣

奮迅以圖難者亦易公暇因與予友譜笙宗君藻鮮李君菟羅載籍撫拾羣臣思夫一邑所恃以保固者城池也而礮臺營房有必著所藉以觀禮者祀典也而祀位樂章有必詳所賴



以維持者文教也而賓興學田有  
必錄所託以撫字者循良也而政  
績治譜有必彰以及科名之士  
耄之英忠義之夫節孝之婦  
貞烈之女類足以扶氣運正人心  
厚風俗他如養濟院之矜貧育嬰

堂之慈幼棲流所之恤罪罔不於  
未備者補之未有者增之夫補  
其未備固因也非創也增其未  
有亦因也非創也且符君創於  
前予因於後安知不更有因予  
於後者以傳無窮哉方今



聖天子文治光昭聲教四訖梁邑赤  
牛屯瑞白兔呈祥精儲乎石馬  
蟠龍秀毓乎金城銅印代生賢  
哲著作如林復獲斯志以昭明  
備垂久遠一旦車來問俗庶生  
斯去者不至如典或忘而撫斯

增補縣志序

四

出者亦不歎文獻無徵也遂濡  
筆而為之序

同治六年丁卯孟夏知梁山縣  
事艾斌撰并書





修志凡例

論語贊堯之則天必云煥乎文章我

朝

聖

聖相承治化愈隆大文彌著

天章遐播載在左史雖非外乘所得書而

聖謨洋洋用祇承于罔斃謹以冠諸篇首

作志家凡建置官師科目類仿年表例爲之是編  
于此三門守缺抱殘無由徵信故不敢效顰

梁山縣志

凡例

今絃誦遍天下矣 文廟從祀先賢先儒名號學

術宜無不習知第恐數典而忘爲略序其里居爵

諡并樂章祭器

人物之分門別類例起漢書唐宋操觚家遂爲成

式此于國史則可而在通志載全省人物自應列

名臣忠臣循吏孝友隱逸獨行諸目若邑志所收

多立條款未免繁瑣今依史家列傳之例以人物

字總之

貞節婦女已邀





旌表者俱得立傳更有身處窮約無力闡揚與未符年  
例者行義灼然衆所共信亦兼錄以慰苦節

梁邑向屬夔府載于舊府志者寥寥迄今獻既無  
存文亦漫滅間得詩歌碑記雖一鱗片甲斷壁碎  
璣殊可珍也爲散附于本事之下若篇章之無可  
隸者則具載藝文

梁志之曠不修也其在明以前不可知或遭兵燹  
而鐫版無存乎此係創始故用力倍艱未廣蒐羅  
猶存崖畧如築室然旣表旣樊而漸可鳩乃事踵

梁山縣志

凡例

二

事增華所望于博雅之君子



增修梁山縣志目錄 凡增修者均加增字別之

序 加增修縣志序

凡例

姓氏 加增修姓氏

輿圖 增繪城垣礮臺 營房 增繪縣署後時公祠並四照樓

卷首

聖謨 增道光咸豐同治 欽頒 文廟匾額

卷一

星野

梁山縣志

卷

增修目錄

沿革

疆域

形勝

風俗

氣候 歲時

城池 增四城大小礮臺 營房 巡查房 管帶房 四照樓 礮臺並碑記

場鎮仍舊 增忠義坊 貞烈坊 附兩坊聯

卷二

山川



水利 增堰 塘 溝 增南門外大塘

卷三

學校

增部頒 大成殿祀位並圖  
增崇聖祠祀位並圖  
增先賢先儒祀位並圖  
增部議從祀位次  
增修改學官符制 增加文武學定額  
增分設拔貢額並部議

卷四

公署

增書院 學田 書籍 均仍舊  
增重修桂香書院 增城中四路義學  
增四路鄉學 增考棚文風塔並序  
增卷局條規並盜產撥歸卷局  
增賓興禮  
增南門外較場並演武廳

梁山縣志

卷

增修目錄

二

卷五

戶賦

增關帝聖誕 文昌聖誕均照春秋祭祀  
增鋪司兵解留銀數 倉儲仍舊  
增四鄉社倉各首副經管數目  
增天池寺社倉由並數目  
增鹽課 增茶課 增當課 增牙稅  
增郵 防圍 驛遞 均仍舊

卷六

儀禮

卷七

壇祠

增關帝廟 文昌廟均升入中祀各樂章  
增祀文並部議 增時公祠祭田  
增名宦祠添祀三位 附詳請劉公衡入祠  
增政績事實 增忠義孝弟祠添祀二位



卷八

壇東壇厲壇合處  
增陣二紳團兵勇

增倉公祠  
徇難紳民婦女等姓氏

寺觀

增李西澗司業雙桂堂重建禪房記  
附匾聯

增雙桂堂贈名金帶寺記  
增雙桂堂舍利塔記

卷九

職官

增知縣  
增縣丞  
增典史  
增教諭

卷十

選舉

增舉人  
增副貢  
增武舉  
增恩貢  
增拔貢  
增大年  
增軍功  
增歲貢  
增應例

梁山縣志

卷

增修目錄

卷十一

名宦

增署令劉衡

人物

列女

增嘉慶十四年至二十五年道光元年  
至三十年同治元年至六年  
旌表節婦貞女

仙釋

卷十二

古蹟

名墓

普濟堂

增棲流所  
增育嬰堂

增養濟院



增恤節院並條規  
增新設孤貧田畝

義塚

卷十三

藝文詩  
增來子弄圓歌

卷十四

藝文疏  
增請將劉衡政績編入循吏列傳疏

卷十五

藝文序二  
增庸吏庸言原序  
增庸吏庸言自序  
增重刊庸吏庸言四種序  
增蜀僚問答自序  
增蜀僚問答序  
增讀律心得序

梁山縣志  
卷

卷十六

藝文記  
增東壇厲壇合記  
增四照樓記  
增忠義坊記  
增貞烈坊記  
增有嬰堂記  
增恤節院記  
來子行狀  
賦  
祭文

卷十七

藝文  
來子年譜  
增劉公嚴禁蠹役札  
增慎用門丁札  
增勸民息訟示  
增嚴除蠹弊示  
增勸諭生監示  
增勸諭書吏示  
增鳴鑼條規  
勸懲誌示  
增梁山縣紳民請詳劉公祠祀名宦政績事  
實稟

卷十八

雜識



修志姓氏

纂修

梁山縣知縣符永培子田

同纂

雲間瞿鏊霞飛

四明邵塾冶塘

分修

梁山縣教諭馬維穎射濱

分校

梁山縣志

姓氏

署梁山縣沙河舖縣丞倪元溥

署梁山縣沙河舖縣丞蔡沅

梁山縣典史張文光

采訪紳士

葉繹唐

袁明誠

沈宗仁

羅元達

杜華國

劉文安

溫于濟

吳承漢

鄧士寬

刁思恭



梁山縣圖

梁山縣志

卷首 地輿圖



卷首





梁山縣志

卷首 四至圖







梁山縣志

卷首 城垣圖

三







梁山縣志

卷首

文廟圖

四





梁山縣志

卷首 縣署圖

五

熊臻福繪





梁山縣志卷之首

聖謨

康熙十六年州縣大堂

欽頌清慎勤匾額

康熙二十三年 文廟

欽頌萬世師表匾額 雍正四年 文廟

欽頌生民未有匾額 乾隆三年 文廟

欽頌與天地參匾額 嘉慶七年 文廟

欽頌聖集大成匾額增道光元年 文廟

梁山縣志

卷首

聖謨

增一

欽頌聖協時中匾額增咸豐元年 文廟

欽頌德齊疇載匾額增同治三年 文廟

欽頌聖神天縱匾額

康熙十八年 頌

聖諭十六條

敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以儆愚頑明禮讓以厚風俗務本業以定民志訓子弟以禁非為息誣告



以全善一誠匿逃以免株連完錢糧以省催科聯保  
甲以弭賊解警念以重身命

康熙二十五年 頌

御製孔子贊 并序

蓋自三才建而天地不居其功一中傳而聖人代宣  
其蘊有行道之聖得位以綏猷有明道之聖立言以  
垂憲此正學所以常明人心所以不泯也粵稽往緒  
仰溯前徽堯舜禹湯文武達而在上兼君師之寄行  
道之聖人也孔子不得位窮而在下秉刪述之權明

梁山縣志

卷首

聖謨

二

道之聖人也行道者勲業炳于一朝明道者教思周  
於百世堯舜文武之後不有孔子則學術紛淆仁義  
湮塞斯道之失傳也久矣後之人而欲探二帝三王  
之心法以爲治國平天下之準其奚所取衷焉然則  
孔子之爲萬古一人也審矣朕巡省東國謁祀闕里  
景企滋深敬搗筆而爲之贊曰

清濁有氣剛柔有質聖人參之人極以立行著習察  
舍道莫由惟皇建極惟后綏猷作君作師垂統萬古  
曰惟堯舜禹湯文武五百餘歲至聖挺生聲金振玉



集厥大成序書刪詩定禮正樂既窮象繫亦嚴筆削  
上紹往緒下示來型道不終晦秩然大經百家紛紜  
殊途異趣日月無踰羹牆可晤孔子之道惟中與庸  
此心此理千聖所同孔子之德仁義中正秉彜之好  
根本天性庶幾夙夜勗哉令圖遡源洙泗景躅唐虞  
載歷庭除式觀禮器摘毫仰贊心焉遐企百世而上  
以聖爲歸百世而下以聖爲師非師夫子惟師於道  
統天御世惟道爲寶泰山巖巖東海泱泱牆高萬仞  
夫子之堂孰窺其藩孰窺其徑道不遠人克念作聖

梁山縣志

卷首

聖謨

三

康熙二十八年 頌

御製顏子贊

聖道早聞天資獨粹約禮博文不遷不貳一善服膺  
萬德來萃能化而齊其樂一致禮樂四代治法兼備  
用行舍藏王佐之器

御製曾子贊

洙泗之傳魯以得之一貫日唯聖學在茲明德新民  
止善爲期格致誠正均平以推至德要道百行所基  
纂承統緒修明訓辭



御製子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

御製孟子贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

御製順治九年

頒示學

康熙四十一年

頒

梁山縣志

卷首

聖謨

四

御製訓飭士子文

國家建立學校原以興行教化作育人材典至渥也朕臨馭以來隆重師儒加意庠序近復慎簡學使釐剔弊端務期風教修明賢才蔚起庶幾械樸作人之意乃比年士習未端儒效罕著雖因內外臣工奉行未盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長列官牆朝夕誦讀寧無究心必也躬修實



踐砥礪廉隅敦孝順以事親秉忠貞以立志窮經考業勿雜荒誕之談取友親師悉化僑盈之氣文章歸于醇雅毋事浮華軌度式于規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社要盟乃如之人名教不容鄉黨弗齒縱倖脫褫扑濫竊章縫返之于衷能無媿乎况乎鄉會科名乃掄才大典關係尤鉅士子果有真才實學何患困不逢年顧

梁山縣志

卷首

聖謨

五

乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求



哉若仍視爲具文玩愒勿做毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難逭勿謂朕言之不預也爾多士尙敬聽之哉

雍正元年正月初一日 頒

御製諭知州知縣文

朕惟國家首重吏治爾州牧縣令乃親民之官吏治

梁山縣志

卷首

聖謨

六

之始基也貢賦獄訟爾實司之品秩雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元之意以愛爲先務周察部屋綏輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書云民惟邦本本固邦寧夫所以固邦本者在吏治而吏治之本在州縣苟州縣之品行不端猶基不立則室不固庸有濟乎哉



皇考臨御六十一年灼知州縣之重特行引見咨詢明試  
至詳至慎其有廉能之員每不次超擢以示鼓勵今  
海內羣黎皆

皇考所懷保也朕膺

宗社重寄思繼

皇考之治功惟爾州縣諸臣俱有父母斯民之責其爲朕  
立之基址以固邦本焉誠能潔已奉公實心盡職一  
州一縣之中興仁興讓教孝教忠物阜民安刑清訟  
簡朕將升之朝中以作股肱如或罔念民瘼恣意貪

梁山縣志

卷首

聖謨

七

婪或朘削肥家或濫刑逞虐或借刻以爲清或恃才  
而多事或諂媚上司以貪位或任縱胥吏以擾民或  
徇私逞欲以上虧國帑王章具在豈爾貸歟更有任  
州縣時私肥已橐而漫云且俟顯要方正名節者其  
與初市清名晚而改操之人何以異哉至於錢糧關  
繫尤重絲毫顆粒皆百姓之脂膏增一分則民受一  
分之累減一分則民沾一分之澤前有請暫加火耗  
抵補虧空帑項者

皇考示諭在廷不允其請爾諸臣其聞之矣今州縣火耗



任意加增視爲成例民何以堪乎嗣後斷宜禁之或  
被上司察劾或被科道糾察必從重治罪決不寬貸  
夫欲清虧空之源莫如節儉正直節儉則用無不足  
正直則上官不可干以私若賸小民之生以飽上官  
之貪欲冒不測之罪以快一時之奢侈豈砥礪廉隅  
爲民父母之道乎爾州縣等官其恪共乃職勿貽罪  
戾毋謂地遠官卑朕不及察其賢否也特諭

雍正元年

諭老農

梁山縣志

卷首

聖謨

八

朕惟四民以士爲首農次之工商其下也漢有力田孝  
弟之科而市井子孫不得仕宦重農抑末之意庶爲  
近古士子讀書砥行學成世用國家榮之以爵祿而  
農民勤勞作苦手胼足胝以供租賦養父母育妻子  
其敦龐淳朴之行豈惟工賈不逮亦非不肖士人之  
所能及雖榮寵非其所慕而獎賞要當有加其令州  
縣有司擇老農之勤勞儉朴身無過舉者歲舉一人  
給以八品頂帶榮身以示鼓勵

雍正元年六月



詔頒五王封冊

賜 肇聖王冊文曰右文稽古思統緒之相承重道尊師溯淵源於自遠舉千秋之曠典蘋藻維馨超五等之崇封絲綸式煥綱維

先師孔子之五世祖木金父公系本殷朝居從魯國治維尙質傳樸素之舊風貴而彌恭守謙和之家法積功累行聿宏毓聖之基貽慶鍾祥遂極生民之盛朕初登大寶欽想前規欲伸景仰之誠用議顯揚之制特追封爲肇聖王錫之冊命於戲克昌厥後永立人

梁山縣志

卷首

聖謨

九

倫之宗有開必先並膺素王之號服茲嘉命垂示無窮

賜 裕聖王冊文曰道高聖域宜推師表之原恩浹儒宗用廣尊崇之典擬王封而晉秩禮軼古今定鴻號而加稱榮增洙泗綱維

先師孔子之高祖祈父公系出商宗望隆宋國姓分公族爲孔氏之再傳瑞啟聖人逮宣尼而間出溯淵源於累葉知德盛而世昌鍾靈秀於一人實教尊而功溥朕羹牆至聖寤寐前徽思敬禮之加隆必恩綸之



及遠特追封爲裕聖王錫之册命於戲衮衣端冕視躬桓蒲穀而彌尊春禴秋嘗與鳧繹龜蒙而並八膺茲寵命永荷鴻休

賜 詒聖王册文曰聖人覺世道有開而必先王者尊師禮必隆於所自備顯揚之典用煥千秋申嚮往之誠特超五瑞緬維

先師孔子之曾祖防叔公殷朝賢裔魯國儒宗潛德彌彰守高曾之矩矱詒謀自遠蘊詩禮之淵源聿開天縱之能四科立教爰啓時中之聖一貫傳心朕寶歷

梁山縣志

卷首

聖謨

十

初膺前徽是式溯儀型而景仰加名號以褒崇特追封爲詒聖王錫之册命於戲俎豆常新峻秩與尼山並峙絲綸誕賁恩光共洙泗長流永荷崇加昭垂無斲

賜 昌聖王册文曰化民善俗道首賴乎師資積行累功誼應推夫祖德閱再傳而誕聖垂裕詒謀超五等以加封創興盛典緬惟

先師孔子之祖伯夏公東山毓秀泗水鍾靈生秉禮守義之邦漸摩既久奉崇信尊賢之訓彌迤尤深集慶



在躬早兆四科之教克昌厥後遂開萬世之蒙朕寶  
歷初膺景行彌切推降祥之有自念賢號之宜加特  
追封爲昌聖王錫之冊命於戲溯尼山之世澤茂績  
丕昭崇闕里之家聲斯文益振服茲嘉命永式光榮  
賜 啟聖王冊文曰達天盡性溯道統之攸傳崇德報  
功體孝思之不匱惟誕生夫睿哲遂永樹乎師模用  
賁徽章特升峻秩緬維

先師孔子之父叔梁公望重魯邦業傳鄆邑秉姿勇毅  
垂史傳之盛名積慶悠長衍家庭之令緒感殊祥於

梁山縣志

卷首

聖謨

十一

闕里兆啟素王徵靈應于尼山運鍾至聖粵從前代  
顯贈上公茲當纘緒之初更議推恩之典特追封爲  
啟聖王錫之冊命於戲澤惟裕後聿宏作述之規善  
則歸親宜加尊榮之禮儀型如在嘉命是承

雍正二年

御製聖諭廣訓序

書曰每歲孟春道人以木鐸徇於路記曰司徒修六  
禮以節民性明七教以興民德此皆以敦本崇實之  
道爲牖民覺世之模法莫良焉意莫厚焉我



聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓草薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至于耕桑作息之間本未精粗公私鉅細凡民情之所習皆

睿慮之所周視爾編氓誠如赤子

聖有謨訓明徵定保萬世守之莫能易也朕續承大統臨御兆人以

梁山縣志

卷首

聖謨

三

聖祖之心爲心以

聖祖之政爲政夙夜黽勉率由舊章惟恐小民違信奉行久而或怠用申誥誠以示提撕謹將

上諭十六條尋繹其義推行其文共得萬言名曰

聖諭廣訓旁徵遠引往復周詳意取顯明語多直樸無非奉

先志以啓後人使羣黎百姓家喻而戶曉也願爾兵民等

仰體

聖祖正德厚生之至意勿視爲條教號令之虛文共勉爲



謹身節用之庶人盡除夫浮薄囂凌之陋習則風俗醇厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

雍正四年

諭教士子責成學臣教職

爲士者四民之首一方之望凡屬編氓皆尊之奉之以爲讀聖賢之書列膠庠之選其所言所行俱可爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其

梁山縣志

卷首

聖謨

三

言服習其教相率而歸于謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士子雖不乏閉門勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私濶身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並輕視聖賢之書矣士習不端民



風何由而正其間關係極爲重大朕自卽位以來加  
恩學校培養人材所以教育士子者無所不至宜乎  
天下之士皆鼓舞奮興爭自濯磨盡去其佻達之習  
矣而內外諸臣條奏中臚列諸生之劣跡請行嚴懲  
者甚多朕思轉移化導之法當先端其本源教官者  
多士之儀型也學臣者教官之表率也教官多屬中  
材又或年齒衰邁貪位竊祿與士子爲朋儔視考課  
爲故套而學臣又但以衡文爲事任教官之因循怠  
惰苟且塞責漫不加察所以倡率之本不立無怪乎

梁山縣志

卷首

聖謨

四

士習之不端而風俗之未淳也朕孜孜圖治欲四海  
之大萬民之衆皆嚮風而慕義草薄而從忠故特簡  
督學之臣慎重學臣之職欲使自上而下端本澄源  
以收實效也凡爲學臣者務使持公秉正宣揚風化  
于教官之稱職者卽加薦拔溺職者卽行參革爲教  
官者訓誨士子悉秉誠心如父兄之督課子弟至于  
分別優劣則至公至當不涉偏私如此各盡其道則  
士子人人崇尚品詣砥礪廉隅且不但自淑其身而  
羣黎百姓日聞善言日觀善行以生其感發之念風



俗之不變庶幾其可望也特諭

雍正五年

御題聖廟四配匾額顏子匾曰德冠四科曾子匾曰道  
傳一貫子思子匾曰性天述祖孟子匾曰守先待後  
又

御題閔子匾曰躬行至孝仲子匾曰聖道干城

乾隆二年十二月奉

上諭從來倫常爲風化之原孝行乃倫常所繫惟褒旌  
示勸斯能有美必彰而採訪維勤遂使無微不錄今

梁山縣志

卷首

聖謨

五

四川忠州梁山縣孝子葉宗藩孝友性成倫常克盡  
應宜旌表著川撫知照地方官給銀舉行建坊入廟  
刻碑用以風世特諭

乾隆五十三年 頌

御製雞雛待飼圖墨刻

待飼摹李畫吾心重念之設如歉歲值誰救小民飢  
獨我誠深懼諸臣願共思子輿舉稷語應各慎攸司  
偶詠宋人名流集藻畫冊中李迪雞雛待飼圖惻然  
有懷於灾壤飢民之無救也因摹其畫卽用迪題畫



韻成什命泐石以示爲民父母之官題李詩並書於左

雙雛如仰望其母竟何之未解東場啄誰憐空腹  
飢展圖一絜矩觸目切深思灾壤民待哺慎哉羣  
有司

嘉慶五年 頌

御製邪教說墨刻

仁育義正

先聖王以道德仁義禮樂政刑裁成輔相化育萬方

梁山縣志

卷首

聖謨

六

使民日趨於正道恐爲邪說所惑也自二氏行於中國始有釋教道教之名因其說亦皆吾儒所撰大旨亦精微元妙勸人爲善戒人爲惡輔翼王化無大差謬是以聖帝明王姑存此類不加沙汰至於白蓮教之始則爲騙錢惑衆假燒香治病爲名竊佛經仙籙之語衣服與齊民無異又無寺宇住持所聚之人皆失業無賴之輩所以必流爲盜賊是又僧道之不若矣然天下之大何所不有苟能安靜奉法卽燒香治病原有惻怛之仁心在朝政之所不禁若藉此聚衆



弄兵漸成叛逆之大案則王法之所不容故查拏之始原因謀逆之一二人如劉松宋之清劉之協首犯耳劉松宋之清皆已伏法並未株連而劉之協自扶溝脫逃所緝者仍此一犯而地方官有奉行不善者有苛求圖利者胥役衙書四出滋擾閭閻無賴借事吹求將正犯反置于不問妄拏無辜名曰欲辦白蓮教以致羣起於襄陽由豫入陝而川省達州徐添德王三槐亦乘時蠢動互相勾結自此遂東奔西竄疲我官兵害我良民傷心慘目實難備書現今賊營中

梁山縣志

卷首

聖謨

七

非盡教匪也亂民乘勢圖劫掠耳夫官軍所誅者叛逆也未習教而抗拒者殺無赦習教而在家持誦者原無罪也卽如劉之協雖爲白蓮教教首其未謀逆以前若俯首就擒其罪僅止發遣耳脫逃後至湖北糾約姚齊二逆併同教人等定於辰年辰月辰日辰時起事是真叛逆斷不可赦矣起事後伊又潛住豫省漏網七年之久若從此安靜匿藏原可倖免孰意又糾約李傑等由寶邲起事此由罪大惡盈天神共憤使之自投法網得正憲章豈人力哉故白蓮教與



叛逆不同乃顯而易見之理設若賊營中有一二僧道豈盡行沙汰二氏乎有一二生員豈遂廢科舉之典乎然則白蓮教爲逆者法在必誅未謀逆之白蓮教豈忍盡行勦洗耶白蓮教與叛逆不同之理旣明則五年以來所辦理者一叛逆大案也非欲除邪教也然聚衆斂錢終流爲不靖是在良有司實心訓導宣揚正學漸仁摩義蹈矩循規化其暴戾易俗移風庶幾世臻小康民安本業朕實有厚望焉

嘉慶十年 頌

聖謨

梁山縣志

卷首

六

御製勤政殿記墨刻

我

考於理事正殿皆顏勤政誠以持心不可不敬爲政不可不勤也六十餘年

身體力行垂教後嗣子孫臣庶觸目警心知所效法永保無疆之庥常警怠忽之念予小子敬承大業夕惕朝乾無時或懈蓋天下至大惟日孜孜恒恐不及若聽政不勤或勤而不加審察則叢脞隨之流弊滋甚矣夫敬爲勤之本唯敬勝怠心主於敬則無時不提



撕警省所謂清明在躬氣志如神遇事洞燭見理精  
詳雖克勤而不覺其勞無所用其勉強從容中道心  
主於敬之功效也自天子以至於庶人皆以敬勤爲  
立身之本君勤則國治怠則國危臣勤則政自理怠  
則政不綱爲學不勤則學業無成力農偶怠則田功  
必棄以至工商賤業事雖異而理則同也然勤勝怠  
人所同知彼好逸厭勞者皆心不能主於敬故不勝  
怠隨之念耳我朝

冢法無一日不聽政臨軒中外臣工內殿進見君臣無  
梁山縣志  
卷首  
聖謨  
九  
間隔睽違上下交泰民隱周知視前明之君深居大  
內隔絕臣工竟有不識宰相之面者相去奚啻霄壤  
朕承

考訓曷敢忘敬勤曷敢耽逸樂一日二日萬幾至繁且重  
內而六部九卿外而直省大吏誠能夙夜在公存心  
匪懈各勉敬勤匡予不逮衆志成城何患不治乎若  
心存懈怠身耽安逸惟知尸祿保位國計民生漠不  
動念則政事廢弛其害可勝言哉故書此記於殿壁  
旣以自戒兼告諸臣庶幾永持此敬勤不怠之志仰



副我

皇考垂示後人立身圖治之大經大法期共勉以毋忘是予之至願也謹記

嘉慶十二年 頌

御製明慎用刑說墨刻

道德齊禮聖王垂教之本意也齊之以刑聖王不得已之苦心也代天子民者君也為人君止於仁止之義蓋言一切用人行政除暴去殘皆仁心所流露也君爲衆父億兆皆吾赤子豈不欲其生而必欲置之

梁山縣志

卷首

聖謨

三

絕地哉誠以良莠不同干名備義作奸犯科之徒非刑不能齊之耳而用刑之大旨不外乎明慎明者知其事之原委察其情之真僞兩造旣備虛衷聽斷如日之光不遺幽暗犯法者甘心認罪受害者了無嗔怨此明之功效也慎者胞與爲懷豈可任其殘賊哀矜勿喜一死不能復生一字無虛始可定案片言不實勿厭重推縱欲吾心毫無疑竇則情真法協如衡之平焉有輕重倒置此慎之功效也我朝立法至爲詳備凡一罪囚必經數次覆勘始定爰書在官者骨



得預議至於情實重犯尙候勾到有一綫可寬者改  
入可緩視前代設鎮撫司習用非刑草管人命者真  
天淵之隔矣人心日流日下犯法者多案牘紛繁詐  
僞百出問刑有司憚於聽訟漸至潦草隨意不能虛  
衷延納反覆推求遂令奸詭者漏網懦弱者罹罪健  
訟者逞刁覆盆者難雪皆不能明慎之所致也朝審  
爲恤刑大典誠兼聽並觀盡美盡善之良法在京則  
大學士九卿科道在直省則督撫藩臬司道公同會  
議雖古之明目達聰何以踰此哉奈奉行已久視爲

梁山縣志

卷首

聖謨

三

泛常旅進旅退無聲無臭醜顏謂毫無冤抑罪當情  
真問有一二敢言之臣以從緩改實加重辦理爲認  
真益增秋肅之氣反實春生之旨所謂北轅適越相  
去益遠矣夫明生於公公則無私無私始能明慎由  
於勤勤則不怠不怠斯能慎嗚呼凡百有位皆以明  
慎爲用公勤爲體庶幾辟以止辟以馴至於刑期無  
刑鼓太和之元氣臻斯世於大同遇可言之時行有  
爲之績予一人實有厚望焉

謹按志所以記事也記之大者莫如典章自古帝王  
王綸綽所宣咸有神于人心世道而鴻編之輝耀



從未有盛于我  
朝者文思光被有典有則恭述以冠卷之首

聖訓昭  
皇仁穆然見

謨烈之盛焉不敢弁以小序謹附識於後

加知州銜梁山縣知縣臣符永培恭錄

梁山縣志

卷首

聖謨

三

